

کتاب طیب

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد: ۶ ۲۶ رجب سنه ۱۳۳۰ پنجشنبه ۲۸ خیزران ۱۳۲۸ برنجی جلد

[رساله ده مندرج مقاله لرك و بتون يازلرك حقوق ، (حق تأليف قانونی) موجبنه محفوظدر .]

تفسیر شریف انوار

۶۷ — وَإِذْ قَالَ مُوسَىٰ لِقَوْمِهِ إِنَّ اللَّهَ يَأْمُرُكُمْ أَنْ تَذْبَحُوا بَقَرَةً قَالُوا أَتَتَّخِذُنَا

هَرُؤًا قَالَ أَغُوذُ بِاللَّهِ أَنْ أَكُونَ مِنَ الْجَاهِلِينَ

[بر قتل ماده سندن طولانی بی اسرائیل ارسنده وقوعه کلن نزاعک فصلی ایچون بر بقر ذبح ایتماری کند یارینه امر اولغشیدی . بو قصه ده دائر روایات متعدده وارد . بر روایت نظرأ وقتیه بر شهرده بی اسرائیلدن زنکی بر اختیار آدم وار ایمش . میرانته طمعاً او آدمی عموجهسی اوغلاری اولدیروب جسدی شهرک قیوسی اوکنه آتمش . سکره حضور موسایه کیدوب دینی طلب ودعوی ایتمش . موسی علیه السلام مقتولک قاتلی کیم اولدیغی بر درلو اکلاماز . بی اسرائیل ارسنده بومادهدن ناشی نزاع تحدث

ایدر . نهایت زیرده کی آیاده بیان بیورلدینی اوزره بر بقر ذبح اولنه رق انك بعض اعضاسیله مقتوله اورلمی کندیلرینه امر اولنور . بنی اسرائیل ایسه ذبح اولنه جق بقره حقنده بر جوق سؤال و مراجعتلر ایله امر الهی بی ایفایه بقرب ایتمیورلر ایدی . نهایت سؤللری بتوب توکندکدن و ذبح اولنه جق بقرمه بتون اوصاف میزه سنك طرف الهیدن بیانیله تعین ایلدکدن صکره چار و ناچار امری یرینه کتوردیلر . بونك اوزرینه مقتول دیر یلوب قلفدی و قاتلنی خبر و یردکن صکره ینه اولدینی یره بی روح دوشدی . قرآن کریم بوقصیه کندینه خاص بر اسلوب ناشیده ایله رمز و اشارت ایدیور . ماده قتل ایله بوسپیدن بنی اسرائیل ارسنه دوشن شقاق و اختلافی ده ا ذکر ایتمدن اوشقاق و اختلافدن خلاص اوللرینه وسیله اولان ذبح بقره جهتی تقدیم ایدرك قصیه بردنره بوجهندن باشلا یور . بر امته ذبح بقره ایله امرده کی حکمت خفی اولوب سامعینه بوندن حیرت کله رك سببنی اکلامغه مراق ایده جکارندن بو طرز بیان ایله سامعارک قلوبنده سوزك الت طرفنی کوش جان ایله استماع ایدوب او حکمتی اکلامق ایچون بر شوق او یاندیریور . صکره « واذ قتلتم نفساً فادارأتم فیها » قول شریفنده ماده قتل و بوکا مبنی بینارنده تگون ایدن نزاعی بیان و متعاقباً دخی « وقلنا اضربوه ببعضها - الخ » آیت کریمه سیله اوزاعدن قورتارلدقارنی ذکر ایدرك امتنان ایدیور . بونك ضمننده انارك فسق و فجور لرینه ایما اولنیور ، انار سؤالده تکلف و الحاح ایتدجه اوزر لرینه احکامك تشدید ایدلدیکی کوستریلیور ، بوقدر آیات بینات مشاهده ایتمش ایکن ینه قلبلری قلمی اولدینی ذکر و یاد اولنیور . بورالرنی درپیش ملاحظه ایدرك عبرت المغه ارباب عرفان و اذعان ارشاد ایدیور . بر اسلوب جلیل حکمت ادا که ا کر قصه دوز دوزیه حکایه ایدمش اولسه بو ترتیب نظر ربا حاصل اولماز و سوز تا اعماق قلبه صوقیلهرق کوکلر تهییج ایتمز ایدی . اعدی قصیه شو وجه ایله بدء بیوریلور : [موسی [علیه السلام و قتيله [قومنه [خطاباً] الله سزه بر بقر ذبح ایتمکزی امر ایدیور دیدی . [اوزمان] انلر دیدیارکه بزی مسخره می اتخاذا ایدیور سین [بز سکا مقتولك قاتلنی صور دیغمز و بو قتل ماده سندن طولانی ازه مزده تگون ایدن نزاعك بر طرف اولسیچون بر چاره بولق بر حکم تشریع ایتمك اوزره سکا مراجعت ایلدیکمز حالده هیچ مناسبتی اولمیه رق بر بقر ذبح ایدك دیه بزمله کلنمکی ایسته یور سین . انلرك بوسوزی سفهلرندن و خفت عقللرندن و جناب حقك عظمتنه و امر صمدانی یه قارشو

ایجاب ایدن احترام و امتثاله جهالردن انبعاث ایتشد ؛ اکر بویه اولیه ایدی امر الهیه امتثال ایدر و صکره نتیجهیه منتظر اولورلر ایدی . انلرک بومقابله سنده موسی علیه السلامه سفه وجهالت ایله بر تعریض بولندیغدن جواباً [دیدی که] بن سزه امر الهی بی تبلیغ ایدیورم . نامی استهزا ایدن سفیه و [جاهلردن اولمقدن الله صیغنورم .



۶۸ — قَالُوا ادْعُ لَنَا رَبَّكَ يُسَيِّنْ لَنَا مَا هِيَ قَالَ إِنَّهُ يَقُولُ إِنَّهَا بَقَرَةٌ لَفَارِضٌ وَلَا يَكْرُ عَوَانُ بَيْنَ ذَلِكَ فَافْعَلُوا مَا تُؤْمَرُونَ

[بونک اوزرینه انلر [دیدیلرکه [یاموسی] بزم ایچون ربکه دعا [و نیاز] ایت ، او [بقره] ندر بزه بیان ایتسون [ذبحی امر اولنان بقره نك صفات میزه سنی ایضاح بیورسون . موسی علیه السلام جواباً] جناب حق او بقره نه سالخورده ونه پك كنچ اولیوب بوايكيسی اره سنده اورته برایشده در دیور . شوالده سز مأمور اولدیغكز شیئی یرنه كتورك دیدی . بوراده « ماهو » ایله سؤال اصطلاح منطقده جاری اولدیغی اوزره حقیقت ماهیتدن سؤال دکلدر ، اسلوب لغت اوزره وارد اولمش بر سؤالدر ؛ عرب برشیئی « ماهو » دیه صورارسه بوراده کی جوابده ذکر اولدیغی وجه ایله اوشیشی فی الجملة تمیز ایدن صفاتی صوربور دیمکدر .

فارض : ولادتق منقطع اولمش سالخورده بقره نك اسمی در . بکر : یاشی کوچوك بقره نك اسمی در . بعضیلری : سفردن ناشی طوغورمیان کوچوك یاشلی بقره نك اسمی در دیدی . ابن قتیبه : برکره طوغورمش اولان بقره در دیدی . بوراده بکر ایله مراد پك چوق طوغورمامش اولان بقره در . عوان : اورته یاشلی دیمکدر . « بین » کلمه می اشیا متعدهیه مضاف اولور کلتدن اولدیغی حالده بوراده مفرد اولان « ذلک » کلمه سنه مضاف اولمسی ، انك مشار الهی فارض و بکردن عبارت اوله زق معنا متعدد بولمکنه و صیغه مفرد ایله متعدده اشارت ایدلمسی ایسه « ما ذکر » تأویلی ایله اولدیغنه مبنی در .

۶۹ — قَالُوا اِذْغَ لَنَا رَبَّكَ يُسَيِّئُ لَنَا مَا لَوْنُهَا قَالَ اِنَّهُ يَقُولُ اِنَّهَا بَقَرَةٌ صَفَرَاءُ فَاقْعُ لَوْنُهَا تَسُرُّ الْمَاطِرِينَ

[ویریلن جواب ایله اکتفا ایدوب در حال امره امتثال ایتمک کندیلرینه واجب ایکن بوندن ابا ایتدیلر و تکرار سؤال ایدرک] دیدیلرکه ربکه بزم ایچون دعا [و نیاز] ایت انک رنکی ندر بزه بیان ایتسون . [موسی علیه السلام جواباً] جناب حق دیورکه او بر دوز صاری بقدردرکه رنکی کورنلری شاد و مسرور ایدر دیدی .

فاقع : بشقه رنک قارشامش خالص صاری دیمکدر . علی قول مطلقاً خالص و صافی اولان رنکه وصف اولور ، کرک صاری و کرک سائر رنک اولسون .



۷۰ — قَالُوا اِذْغَ لَنَا رَبَّكَ يُسَيِّئُ لَنَا مَا هِيَ اِنَّ الْبَقَرَ تَشَابَهَ عَلَيْنَا وَاِنَّا اِنْ شَاءَ اللَّهُ لَمُهْتَدُونَ

[سبق ایدن اوصاف میزه ایله اکتفا ایتملری اقتضا ایدر ایدی ، فقط انلرک سؤالده تکلفلری ارتدی ، بناءً علیه بقرونک ده بعض اوصاف ایله تمیزینی ایسته یهرک] دیدیلرکه بزم ایچون ربکه دعا [و نیاز] ایت ، او [بقره] ندر انی بزه [ده بعض وصفارینی ذکر ایدرک] بیان ایتسون ، [زیرا ذبح اولنه جق] بقره بزه مبهم قالدی [تعریفات سابقه دن ذبح ایدیلرک بقرک نه شکل و وصفده اوله جغنی پک انی فرق ایدمه مدک] و جناب حق مراد ایدرسه البته ارشاد اولنورز [ذبح اولنه جق] بقرونک ماهیتنه بارشادالله البته مطلع اولورز] .



۷۱ — قَالَ اِنَّهُ يَقُولُ اِنَّهَا بَقَرَةٌ لَّا ذَلُولٌ تُثِيرُ الْأَرْضَ وَلَا تَسْقِي الْحَرْثَ مُسَلَّمَةٌ لَّا شِيَةَ فِيهَا قَالُوا اَلَا اَنْ جِئْتَ بِالْحَقِّ فَذَبْحُوهَا وَمَا كَادُوا يَفْعَلُونَ

[موسی علیه السلام جواباً] جناب حق [عزشانه] دیورکه او بر بقدردرکه کیسمه یه

رام اولوب ترلا سورمن واکين صولاماز . عيب وقصور سزدر وليکسز بنکسز [اوله رق دوز صاری] در دیدی . انار [یاموسی] شمعی حق اتیان ایلک [امر اولدیغمز شیک حقیقتی اظهار ایتک . ترده محل قلمیه جق صورتده بقرنی شمعی حقیقه تعریف ایلک] دیدیلر و [بو اوصافده اله بکوردکاری] بقرنی [ارتق تعلل و سؤاله بحالری قالدیغندن چاروناچار] ذبح ایتدیلر ، حالبوکه [سؤال و مراجعتلری نهایت بولوبده ذبح اولنه جق بقره جمیع اوصاف میز سنک بیانیه تعین ایتزدن اول] انار [مأمور بهی] ایشلمکه یناشمیورلر ایدی [بقره نک ذبحی خصوصی یالکز اغزلرنده دوران ایدیور ایدی ، بالفعل ذبحنه یاقلاشمیورلر ایدی] .

« مَسْلَمَه » عیوبدن سالم قلغمش دیمکدر . دیگر معنالرده حمل اولمشدر . « لَاشِيَهَ » فیها » بر دوز صاری رنکدن بشقه اندولون دیگر یوق دیمکدر . شیه ، عده وزننده ، برشیک اصل لونه قاریشق دیگر لونه دینور .

ابن جریر طبری تفسیرنده ابن عباس حضرتلرندن سند صحیح ایله موقوفاً شویله روایت ایتش : « لو ذبحوا ای بقره ارادوا لاجزأتهم ولیکن شدوا علی انفسهم فشد الله علیهم » . مالی : هرهانکی ایتدکاری بقرنی ذبح ایتسملر انلره کفایت ایدر ایدی لکن کندیلری اوزرینه تشدید ایتدکارندن الله تعالی ده انلرک اوزرینه تشدید ایلدی . سعید بن منصور بوحدیث شریفی « سنن » نده عکرمه دن مرفوع مرسل اوله رق تخریج ایتشدر . دینده تکلف و سؤالده الحاح احکامده تشدید اقتضا ایدر ، بونکچون جناب حق بو امتی « یا ایها الذین آمنوا لاتسألوا عن اشیاء ان تبدلکم نسؤکم وان تسألوا عنها حین ینزل القرآن تبدلکم عفا الله عنها والله غفور حلیم » قد سألها قوم من قبلکم ثم اصبحوا بها کافرین « قول شریفی ایله کثرت سؤالدن نهی ایتدی وحیدت میحیده « ویکره لکم قبل وقال واذاعة المال وکثرة السؤال » دیه وارد اولدی .

بعضیار : احکام الهیه ناسک افعال عارضه سنه تابع اولمیجغنی درمیان ایدرک ذکر اولنان خصوصده ایراد شبهه ایتش ایسده تکلیف نامی تربیه ایچون اولدیغندن علی الاکثر عقوبت و مؤنت بولندیفی جهته بو شبهه وارد و بجا دکلددر .

۷۲ - وَإِذْ قَسَمْتَ لَنَفْسِكَ فَادَارَاثُ ثُمَّ فِيهَا وَاللَّهُ مُخْرِجُ مَا كُنْتُمْ تَكْتُمُونَ

[بو آیت کریمه ده قصه نك بدایى اولان ماده قتل ايله قاتل حقنده نزاع ظهور ایلدیكى وحقیقتك ظاهره اخراج اولندینى ذكر ایدیلور وشویه بیسوریلور :] خاطر لایك كه سز بر نفس قتل ایتدیكزده انده تدارؤ (وتدافع) ایلدیكز (هر بریکز برائت ادعا وغیری اتهام ایدرك او قتل خصوصنده کندیکزى مدافعه ایتدیكز) . الله (تعالی) ده سزك كتم ایلدیككز شیئی (ظاهره) اخراج ایتشد (ایچیکزدن قاتل اولانلر ايله انلرك کیملر اولدیغنى بیانلریكز هوای نفسانیلهربنه تبعاً كتم حقیقت ایدرك ماده قتلى بر طاقم برى ومعصوم آدماره عطف واسناد ایلدكلرندن جناب علام الغیوب سزك بو مکرکزی میدانله چیقارمشدر) .

قتل بر ایكى كشی طرفندن ایضاع ایلدلیکین امته نسبت ایلدلی هیئت مجموعه امت تكافى اعتباریله شخص واحد منزله منده بولندیغنه دأر سبق ایدن حکمه مبنی در وقصه قدمای بنی اسرائیله متعلق اولدینى حالده عصر زول قرأنده بولسانلرینه خطاب ایلدلی ایه انلر بوكی حالات نامرضیه ده سلفلریك اثرینه اتباع ایلدكلرندن کندیلرینى تقریر ایلچوندلر .

تدارؤ تدافع دیمكدر ؛ بوندن اكلاشیلوركه اوزمان اره لرنده مخاصمه لر اتهاملر جریانلر ایتش ، هرکس کندیسك برائتی ادعا ودیکرینى قتل مبحوث عنه ايله اتهام ایدرك نفسى مدافعه ایدیلور ایتش .

« والله مخرج ما كنتم تكتمون » قول شریفنده [ما] اسم موصولدر و [مخرج] كلمه سنك مفعولى اولق اوزره محلاً منصوبدر . اسم فاعلك بوجه ايله اعمالی بومقامده حکایه حال ماضی ایچون اولسنه مبنی در .



۷۳ - فَقُلْنَا اضْرِبْهُ بِبَعْضِهَا كَذَلِكَ يُحْيِي اللَّهُ الْمَوْتَى وَيُرِيكُمْ آيَاتِهِ لَعَلَّكُمْ تَعْقِلُونَ

تَعْقِلُونَ

[بو آیت جلیله ده دخی قتلك نه صورتله ظاهره اخراج ایلدیكى بیان اولنیور وشویه

بیورلیور : [زده دیدک که اکا [مقتوله] بعضی اعضاسیله اورک [بو امری یرینه کتورمکز ایله مقتوله حیات عودت ایلدی] . جناب حق [اومقتولی سزک عقولکیزک اقتضا ایلدیکی سبب اولقمسزین فصل احیا ایتدیه یوم حشر و جزاده] امواتی ده اولهجه [عقول عقلانک اقتضا ایلدیکی اسباب و وسائل اولقمسزین] احیا ایدر [زیرا نزد الهیده ابداء عین اعاده و اعاده عین ابداء در ؛ بلکه مشیت و قدرت الهیده هرشی مساویدر] و [نشئه اخرانک تحقق وقوعنه دال اولان] آیات [وعلامات] فی [انک ظهورندن اول] سزه ارانه ایلر ، مأمولدرکه عقل ایدرسکز [آیات وعلاماتندن نشئه اخرانی تقطن ایدوب دنیوی و اخروی بتون معتقدات شرعیه ایمان ایتکز وانلره بلا مجادله بالاتعت اقیاد ایلکیز امید اولنور . « کذلک یحیی الله الموتی - الخ » قول شریفی بوجه آتی دخی تفسیر اولمشدر : جناب حق بوکجی احکام ایله امواتی احیا و سزه آیات وعلاماتی ارانه ایدر ؛ تا که اسرار احکامی و شریعت خضوع و اقیادک فائده سی اکلایه سکزده ظهور یافته اولان حالتک اوواقعه یه و اوزمانه مختص اولدیغنی توهم ایتیه سکز و بناءً علیه امر الهی فی هروقت بالاتعت تلقی بالقبول ایلکیزک لزومی تعقل ایده سکز] .



۷۴ - ثُمَّ قَسَتْ قُلُوبُكُمْ مِنْ بَعْدِ ذَلِكَ فَهِيَ كَالْحِجَارَةِ أَوْ أَشَدَّ قَسْوَةً وَإِنَّ مِنَ الْحِجَارَةِ لَمَا يَتَجَجَّرُ مِنْهُ إِلَّا نَهَارٌ وَإِنَّ مِنْهَا لَمَا يَشَّقَّقُ فَيَخْرُجُ مِنْهُ الْمَاءُ وَإِنَّ مِنْهَا لَمَا يَهْبِطُ مِنْ خَشْيَةِ اللَّهِ وَمَا اللَّهُ بِغَافِلٍ عَمَّا تَعْمَلُونَ

صکره قلوبکز قاسی اولدی [ای فی اسرائیل سز صحرای تیهک شداندنن وسوسیلر ساحلنده فرعونک لندن خلاص اولق و احیاء قتیل ایله ینکزه دوشن اختلاف و شقاقدن قورتلحق کی قلوبده رقت و تأثری موجب آیات و دلائلی مشاهده ایلمشیکن ینه یورکلریکزده رقت و تأثر حاصل اولدی ، بالعکس قاتیلاشدی] شو حالده سزک یورکلریکز طاشلر کی و بلکه قاتیلحقجه [طاشلردن] ده پکدر [آیت کریمه ده واقع « او » حرفی اصل معناسنه حل ایله ترکیب شریف : یورکلریکز طاشلر کی و یاخود قاتیلحقجه ده پکدر صورتنده تفسیر ایدلشدر ؛ بوتقدیره کوره تردید و تشکیک متکلمه دکل مخاطبانه نسبت ایله در] .

بعض احجار وارد در که انلردن نهر لر سیلان ایدر . و بعض احجار وارد در که یاریلوب انلردن
 صو چیقار . و بعض احجار وارد در که خشیه اللهیدن هبوط ایدر [خلاصه مواعظ و آیات ایله
 متأثر اولق شان روح انسانی ایکن لوقلوب بوخاصه تأثری ضائع ایتمشدرد ، اودرجه که
 اصحابی مرتبه حیواندن طاشار کبی در که جماده هبوط ایلش و بلکه طاشارد در که سندن ده
 اشاعی ایتمشدر ، چونکه احجار صلابتیه برابر ماء رقیق لطیف ایله متأثر اولیور ،
 صو طاشلری دلیور و درونلرندن قلت و یا کثرت ایله نفوذ ایدر که ارضی احیا ایدیور
 و نبات و حیوانه نفی اولیور . بعض احجارده مطر هاطل وریح عاصفه و زلزله قاله
 و صواعق کبی آثار قهر الهیدن بر اثر ایله متأثر اوله رق اعلا دن اسفله هبوط ایدیور .
 احجار بویله جه بعضاً ماء لطیف ایله و بعضاً دخی جناب حقک مکونانده احداث ایلدیکی
 حوادث هائله ایله متأثر اولدینی حالده سزک قلوبکیز نه حکم و مواعظ ونه انذارات و عبر ایله
 متأثر اولیور . احجاره ، مؤثرات داخلیه و خارجیه غلبه ایلدیکی حالده آیات کونیه یه مشابه
 بولنان آیات الهیه سزک یورکلریکزی شق ایدر که اعماق وجدانکزه نفوذ ایده میور .
 یورکلریکز چاقلمش میخ کبی یرندن اوینامیور . قلوبکیزده انوار فطرت منطقی اولدیغندن
 چهره لریکیزده انک شعاعی نمایان اولیور [. الله [تعالی [سزک ایتدکلریکزدن غافل
 دکلدرد [سز صنوف نعم ایله مرتبی اولمینجه انواع نعم ایله سزی تربیه ایده جکدر] .

برکت زاده اسماعیل حق

